

Protokol broj: 655/25

Datum: 28.08.2025.

NO 001 049/2025

Poziv hotelima u Sarajevu za dostavljanje ponuda za iznajmljivanje sale za održavanje dvodnevne konferencije i hotelski smještaj za učesnike/ce

Poziv hotelima u Sarajevu za dostavljanje ponuda za iznajmljivanje sale za održavanje dvodnevne konferencije i hotelski smještaj u Sarajevu za učesnike/ce u okviru projekta SMART Balkan – Civilno društvo za povezan Zapadni Balkan

Predmet nabavke	Smještaj, hrana i osvježenje za 96 učesnika na dvodnevnoj Regionalnoj konferenciji u Sarajevu 12.11. - 13.11.2025.
Ugovarač	Centar za promociju civilnog društva (CPCD)
Naziv projekta	SMART Balkans – Civilno društvo za povezan Zapadni Balkan
Lokacija	Marka Marulića 2/III, Sarajevo, Bosnia and Herzegovina
Kontakt e-mail	prijava@cped.ba
Datum objave poziva	28.08.2025.
Trajanje poziva za dostavu ponuda	15 dana
Rok za dostavu ponuda	12.09.2025 do 17:00 sati

Ukratko o ugovaraču i o projektu:

Centar za promociju civilnog društva (CPCD), zajedno sa partnerskim organizacijama iz Albanije – Institut za demokratiju i medijaciju (Institute for Democracy and Mediation - IDM) i Sjeverne Makedonije – Centar za istraživanje i kreiranje politike (Center for Research and Policy Making (CRPM)), realizuje projekat pod nazivom SMART Balkans – Civilno društvo za povezan Zapadni Balkan. Projekat doprinosi jačanju participativnih demokratija i euroatlantskih integracija na Zapadnom Balkanu kroz osnaživanje organizacija civilnog društva i mreža organizacija civilnog društva (u daljem tekstu OCD) za jaču i aktivniju ulogu u stvaranju mirnih i inkluzivnih društava za održivi razvoj u Albaniji, Bosni i Hercegovini, Kosovu, Crnoj Gori, Sjevernoj Makedoniji i Srbiji.

Više informacija o projektu možete pronaći na stranici [SMART Balkan](http://SMARTBalkan.org).

Predmet nabavke:

Predmet nabavke je hotelski smještaj, hrana, osvježenje i sala za održavanje dvodnevne konferencije smještajnog kapaciteta do 96 osoba u Sarajevu, za potrebe projekta SMART Balkan – Civilno društvo za povezan Zapadni Balkan.

Ponuda treba da sadrži:

- Sala za konferenciju sa karakteristikama:
 - Kapacitet za 96 osoba,
 - Bina za paneliste/kinje sa pratećim stolovima i stolicama
 - Audiovizuelna oprema (laptop, projektor, ozvučenje)
 - Osvjetljenje kao dodatni vid rasvjete će se smatrati prednošću
 - Klima
 - Ventilacija
 - Za dva dana 12. i 13.11.2025.
 - IT podrška na raspolaganju oba dana
 - Osiguran prostor za registraciju učesnika/ca prije ulaza u salu
 - Fotografije sale
- Smještaj za 60 učesnika/ca na bazi dva noćenja sa uključenim polupansionom: doručak i večera (11. i 12.11.2025.) u jednokrevetnim sobama (single bed)
- Ručak dva dana za 96 osoba
 - Uključeno jedno bezalkoholno piće
 - Ponuda za švedski sto koji treba uključivati više vrsta mesa sa jasno naznačenim natpisom koja je vrsta mesa u pitanju; opcija za vegansku i vegetarijansku ishranu;
 - Fotografije prostora za ručak
- 3 kafe pauze za 96 osoba (dvije prvi dan i jedna drugi dan)
 - Odvojena zona za pušače u blizini prostora održavanja kafe pauze, ali ne i u blizini sale
 - Fotografije prostora za održavanje kafe pauze
 - Detaljne informacije o ponudi sadržaja paketa kafe pauze
- Parking mjesto za 30 vozila uključujući 3 minibusa/kombija će se smatrati prednošću
- Kutak za izjave za medije sa fotografijama

Način dostave ponude:

Ponuđači su obavezni da pripreme ponude i dostave dokumente u skladu sa navedenim zahtjevima. Ponude koje nisu u skladu sa navedenim zahtjevima, neće biti uzete u razmatranje.

Ponude se dostavljaju elektronski (e-mail) na adresu prijava@cpcd.ba, sa naznakom u naslovu e-maila: **Ponuda po otvorenom postupku br. NO 001 049/2025, naziv ponuđača, do 12.09.2025 do 17:00 sati.**

U tijelu emaila navedeni su nazivi svih dostavljenih dokumenata, na način kako je to navedeno u dijelu Sadržaj ponude i Ostala potrebna dokumentacija. Sva dokumenta koja sadrže potpise i pečate treba dostaviti u PDF formatu. Dokumentaciju ne stavljati u .zip file ili bilo koji drugi kompresovani format.

Maksimalna veličina e-pošte može biti 10 MB. U slučaju da su priloženi dokumenti veći od 10 MB, složite dokumente u nekoliko odvojenih email poruka, sa naslovom kako slijedi: u prvom e-mailu upišite Ponuda, BR. NO 001 049/2025 (ime podnosioca) x / #, umjesto oznake "x" upisujete redni broj e-maila, a umjesto oznake "#" upisujete ukupan broj e-mailova koje ćete poslati. U tekstu e-maila navedite numerisanu listu svih priloženih dokumenata.

Prijem elektronski dostavljene ponude bit će potvrđen od strane Ugovarača e-mailom, u roku od 24 sata od prijema.

Sadržaj ponude i ostala potrebna dokumentacija:

Ponuđač treba da dostavi sljedeće dokumente:

- a. PONUDA – ovjerena i potpisana od strane ovlaštenog lica, a treba da sadrži sljedeće dokumente i informacije:
 - Tehnička specifikacija ponude (Prilog 1)
 - Finansijsku ponudu: cijena sa PDV-om, obavezno navesti popust ukoliko isto postoji i uslove plaćanja (Prilog 2)

- b. Ostala prateća dokumentacija
 - Izjava časti (Prilog 3) ovjerena i potpisana od strane ovlaštenog lica

Ostali opšti uslovi nabavke:

Ponuđači snose sve troškove nastale u toku pripreme i dostavljanja ponude. Ugovarač ne snosi nikakve troškove u postupku nabavke.

- Ponuda mora sadržavati datum, potpis i pečat ovlaštenog lica i kontakt informacije pravnog lica.
- Ukoliko ponuda sadrži više od jedne stranice, potrebno je da sve stranice ponude budu numerisane, na način da je vidljiv redni broj stranice.

- U roku za podnošenje ponuda, ponuđač može da izmijeni, dopuni ili povuče ponudu. Ponuđač podnosi izmjenu, dopunu ili povlačenje ponude pisanim putem u formi izjave sa potpisom i pečatom pravnog lica i dostavlja je na email adresu: prijava@cpcd.ba, sa naznakom u naslovu e-maila: Ponuda – izmjenjena, ili dopuna, ili povlačenje ponude, BR. NO001 049/2025 (ime podnosioca zahtjeva)
- Ponude treba da važe najmanje 30 dana od dana isteka roka za dostavu ponuda
- Ponuđači su obavezni da pripreme ponude u skladu sa uslovima nabavke
- U finansijskom dijelu ponude cijena ponude se piše brojevima i slovima, a izražava u BAM. U cijenu ponude uračunati su svi troškovi predmeta ponude. Cijene se iskazuju sa PDV-om. Na ponudi je potrebno navesti i ponuđeni popust (i procentualno i u apsolutnom iznosu u BAM). U slučaju neslaganja iznosa upisanih brojčano i slovima, prednost se daje iznosu upisanom slovima. Način plaćanja i broj bankovnog računa takođe trebaju biti navedeni u finansijskoj ponudi.
- Prije zvanične rezervacije, izabrani ponuđač će biti dužan dostaviti sljedeće dokumente:
 - a. Ovjerena kopija Rješenja o registraciji ponuđača, ne starija od 3 mjeseca - ponuđač mora biti registrovan za obavljanje djelatnosti koje su predmet ovog postupka nabavke
 - b. Vlasnička struktura ponuđača
 - c. Uvjerenje o nekažnjavanju i Uvjerenje o nevođenju krivičnog postupka za vlasnike i ovlaštena lica ponuđača
- Plaćanje izabranom ponuđaču će se izvršiti na žiro račun ponuđača, po primitku finalne fakture nakon završenja usluge
- Sva dostavljena dokumentacija i same ponude, smatrat će se povjerljivim i s njima će se postupati u skladu sa standardima o zaštiti povjerljivih informacija. Sve informacije koje se mogu privatno identificirati smatrat će se povjerljivim informacijama i neće se koristiti, prikupljati ili distribuirati u bilo koju drugu svrhu osim navedene u ovom pozivu.

Komunikacija sa ugovaračem:

Ponuda i sva korespondencija vezana za ponudu između ponuđača i ugovarača komunicira se pismenim putem na jednom od službenih jezika u Bosni i Hercegovini. Sve zahtjeve za pojašnjenje i druge informacije, ponuđači mogu tražiti isključivo u pisanoj formi, slanjem upita na email adresu

prijava@cped.ba, do 04.09.2025. Odgovori na sva pitanja pristigla do roka za upite, bit će objavljeni na istoj stranici gdje je objavljen i Poziv za dostavu ponuda, najkasnije 5 dana prije isteka roka za slanje ponude (12.09.2025. do 17:00 sati) kao sastavni dio objave o otvorenom postupku nabavke.

Kriterij za odabir najbolje ponude:

Ugovarač će donijeti odluku o najuspješnijoj ponudi vodeći računa o najboljem omjeru cijene i kvaliteta (na način koji garantuje najbolju vrijednost za ponuđenu cijenu), a na osnovu analize tehničke i finansijske ponude u odnosu 60:40.

Rok za donošenje odluke o izboru:

Ugovarač će donijeti odluku o izboru najpovoljnijeg ponuđača najkasnije u roku od 15 (petnaest) dana od roka za podnošenje ponuda.

Ugovarač će izabranog ponuđača obavijestiti o prihvatanju ponude najkasnije u roku od 15 dana. U istom periodu bit će obaviješteni i svi ostali ponuđači u postupku nabavke, čija ponuda nije prihvaćena.